

## Gerry Dawes en Ribeira Sacra

 Xornal de Galicia | Lunes, 08 Febrero, 2010 - 11:31

O norteamericano Gerry Dawes, escritor (de viños) e fotógrafo, leva máis de 30 anos achegándose a España para coñecer a súa paisaxe, gastronomía e viños.

Nesas visitas periódicas, punto de referencia adoda ser a Ribeira Sacra. Cando no pasado ano, Gerry Dawes visitaba estas terras afirmabá nun medio de comunicación: «Ribeira Sacra teno todo para repetir cos seus tintos a revolución que se produxo en 1989 no Priorato, coa ventaxe de que estamos nunha rexión atlántica con condicións similares aos grandes viñedos franceses».

Neste mes, Gerry Dawes, acompañado dun importador británico, Anthony Sarjeant, voltou a achegarse a Ribeira Sacra. Xunto con representantes do Consello Regulador da Denominación de Orixe Ribeira Sacra visitaron varias adegas da D.O. para coñecer de primeira man os resultados da pasada colleita. Asegura Gerry Dawes que percibe unha mellora nos viños e que algúns dos catados son susceptibles de introducirse nos mercados extranxeiros. Cada vez que Gerry Dawes ven a España procura achegarse á D.O. Ribeira Sacra, explica que lle gustan os viños e lle gusta a zona. Insiste, como en anteriores visitas, en que hai potencial e que en moitos casos, xa se ven excelentes resultados, agora é importante que adequeiros, viñicultores, consumidores, crean en confíen nos resultados do traballo que se fai aquí.